



法  
國  
律  
例

刑  
律

目  
錄

第  
二  
類

論治干犯各項罪案有碍於民生者之例

第  
一  
章

論治所干之罪有礙於民生者之罪

第  
一  
節

論治一切殺傷人命之案並一切有關死罪者係以  
語言威嚇欲致其人之命者之罪

海國律例  
第一段

論治滅倫重案並誤傷人命故殺謀殺殺害嬰孩及一切毒殺人命之例

第二段

論治肆行威嚇逼索者之罪

第三節

論治有心毆傷於人及干一切罪過之案不得歸於故殺一律論者之例

第四段

論治誤傷人命誤致毆傷而其致罪之情有可以原諒者有無可以原諒者並誤傷人命與誤致毆傷之案有不能科之以罪者

第五段

論無心誤傷人命與誤傷者之事

第六段

論治各項罪過之案其中情由有可從寬原宥者及有不得稍爲寬釋者之例

第七段

論治將人打傷以及致斃人命之案而其案中情形  
委係情有可原不得以有罪者一律置論之事

第四節

論治於風俗教化有傷者

第五節

論治任意妄拿無辜以及私行押禁無辜之例

第六章

論治獲過與罪係於嬰孩歸原之生育合同或膽敢  
改易或行銷毀並偷竊子女或與子女生命有傷及

於葬殮之事致有干罪者

第一段

論治獲過與罪而於嬰孩有傷者

第二段

論治誘拐引誘年幼子女有關淫邪之事者

第三段

論事關葬殮者之例

第七節

論治偽爲質證誣指有罪或有意牽引誣爲被告或

欺凌於人或於人攻發其一切機秘之事者

第一段

論治偽爲質證之例

第二段

論治誣爲扳告或欺凌於人或於人攻發其一切機  
密之事者

第二章

論治所干罪過之案有礙於物產者之例

第一節

論治竊盜之例

法國律例

刑律

此係利卷

第二類

論治干犯各項罪案有碍於民生者之例

第一章

論治所干之罪有碍於民者之罪

第一節

論治一切殺傷人命之案並一切有關死罪者係以  
語言威嚇欲致其人之命者之罪

第一段

法 國 律 例  
論治滅倫重案並誤傷人命故殺謀殺殺害嬰孩及一切毒殺人命之例

第二百九十五條

凡有致傷人命之事而一核其情由係於當時情甘殺傷人命者則應將其案歸於故殺者一律置論

第二百九十六條

凡有於致事之先已伏殺傷惡念或預設圈套誘之以計因而誘殺者應卽按照謀殺人命者之案一例科斷

第二百九十七條

凡如謀殺人命之事其致事之由係有等於課程受物如不能爲卽行殺傷致命者倘遇此等案情卽應歸於有心謀殺者一律置論

第二百九十八條

凡何以卽爲預設圈套誘殺人命之案有如某某嘗於某處經過而該犯與之有仇卽於某經過處所之側隱匿其身俟至某來出其不意截而殺之或以凶勢逼迫劫奪財物或百般毆毀跡近慘殺者則均應

按照預設圈套誘之殺傷者之例一例科罪

第二百九十九條

凡弑父母滅倫重案無論係屬生子或係承繼之子或雖無父子母子之名分而實有生育之恩者並一切有關服制之尊長倘有膽敢弑害者實屬人倫之變著均歸滅倫重案一例科斷

第三百條

凡殺害嬰孫係初生小兒者卽歸殺害嬰孩者之案一例科斷

第三百零一條

凡用毒物致傷人命者無論用何等毒物與用何等毒法亦無論其毒之傷人或輕或重或緩或急均歸毒傷人命之案一例科斷

第三百零二條

凡殺傷人命與弑逆重案殺害嬰孩毒傷人命等案一經事犯到官均應科以死罪惟案關弑逆重案而於應行施刑之事與他案施刑之法特異卽應照第十三條之例如法行之

第三百零三條

凡如有凶惡之徒其於致罪之時係以強橫逼索因而致傷人命者應卽按照謀殺者一例置論

第三百零四條

凡如殺傷人命之案能以按照故殺論者其致事之由或於犯事之時預獲一罪或因犯事之際因事復干一罪者則遇此等案情均應科以死罪其有致傷人命者係因當時致干一罪以便助其犯成事者或預爲致干一罪以便其犯脫逃因而所以致傷人命者則均應科以死罪除此等案情外其餘一切故殺之案均應科以永遠縲縶苦工之罪

第二段

論治肆行威嚇逼索者之罪

第三百零五條

凡有用意威嚇藉以逼索財物以及勒辦一切事件膽敢致書於人自書姓名或匿姓名逼索銀兩及勒辦一切事件如謂倘不如其所願卽有謀殺毒害等語一經訪獲著將該犯科以監收之罪少則二年多



則五年並令罰繳銀兩少則一百五十夫浪多則一千夫浪仍酌照第四十二條之例禁止該犯經理公私事件卽於監收期滿釋放之日爲始計算時日並能以酌交巡捕廳嚴加約束少則五年多則十年

第三百零六條

凡致書信於人用言威嚇而尙無借事要索之情者一經訪獲著將該犯科以監收之罪少則一年多則三年並令罰繳銀兩少則一百夫浪多則六百夫浪而此項案情亦能照上條所載案情將該犯交巡捕

廳嚴加約束

第三百零七條

凡有用言威嚇勒令某人其情等於課程受物係以語言威嚇者一經查出著將該犯科以監收之罪少則六個月多則二年並令罰繳銀兩少則二十五個夫浪多則三百夫浪而此項案情亦能照上條案情將該犯交巡捕廳嚴加約束

第三百零八條

凡有威嚇勒索之情或出以語言或假以書信而其

威嚇勒索之情寔不歸於第三百零五條所載之情者著將該犯科以監收之罪少則六日多則三個月並今罰繳銀兩少則十六個夫浪多則一百夫浪若酌其案節較輕亦可酌科一罪或僅科以監收之罪或僅科以罰繳銀兩之罪

第二節

論治有心毆傷於人及干一切罪過之案不得歸於故殺一律論者之例

第三百零九條

凡有情甘毆傷於人或用強橫欺凌因而被毆之人氣忿成疾或其被毆致傷而於二十日以外尙不能動作諸工者一經查獲著將該情甘毆傷於人之犯科以監收之罪少則二年多則五年並令罰繳銀兩少則十六個夫浪多則二千夫浪俟監收期滿之日能以援照第四十二條所設之例禁止該犯經理公私事件少則五年多則十年倘該犯用強毆傷竟將被傷之人肢體毀傷或單雙目失明當時成爲殘廢之人抑或因傷醫治不效漸成殘廢者均將該犯科

以監禁之罪若該犯雖屬有意毆傷而其本願亦不欲其人卽至殞命而被其所傷者竟致因傷殞命一核其案中情節著將該犯科限以年月縲紲苦工之罪

第三百一十條

凡人有意謀傷於人或誘之以計使其人自落圈套以便毆傷可以泄忿而被其所傷之人竟致因傷殞命者一經查出著將該犯科以永遠縲紲苦工之罪其次或因毆傷致成殘廢並雙單目失明及遍體傷

痕甚重者著將該犯科限以年月縲紲苦工之罪倘其案中情節有干犯第三百零九條所載之事者著將該犯科以監禁之罪

第三百一十一條

凡毆傷之案一經相驗實有傷痕然尙不至如第三百零九條所載之事因傷抱病不能動履照常工作者著將毆人之犯科以監收之罪少則六日多則二年並令罰繳銀兩少則十六個夫浪多則二百夫浪亦可酌其案節經重酌科一罪或僅科以監收之罪

或僅科以罰繳銀兩之罪倘遇毆傷案件查其案中情節係未事之先有意謀傷或恐其事不遂預設圈套引誘以便毆傷者著將該犯科以監收之罪少則二年多則五年並令罰繳銀兩少則五十夫浪多則五百夫浪

第三百一十二條

凡人於其父母無論係屬親生子或屬承繼子並或無父母之名分而實有生育之恩者以及有關服制近派尊長倘有膽敢目無倫紀將以上尊親長輩有

意毆傷實屬大干法紀著將該犯因案應科之罪開列備查其一雖有傷痕尙不至因傷致病亦能動履照常作工致如干犯第三百零九條所載之事者著將該犯科以監禁之罪其一或設計引誘以便毆傷或事前圖謀或立意毆傷以致將尊親長輩身被重傷竟延至二十日以外尙不能照常動履照舊作工者著將該犯仍科以監禁之罪尤須從重懲辦至遇此等案情如該犯係一切常人自應科以監禁之罪而如出於本文所言生繼之子等則卽應科限以年

月縲縲苦工之罪並如出於常人應科限以年月縲  
縲苦工之罪者而如出於生繼之子等卽應科以永  
遠縲縲苦工之罪矣

第三百一十三條

凡遇有干犯本節與上節所載等情者而其案中情  
形竟有聚衆烏合勾串狼狽爲奸勢似謀叛搶掠等  
情者除將該犯等照例科罪外其案中主謀之人亦  
應科以同罪

第三百一十四條

凡有私造私賣匕首袖槍以及暗器之類者實屬大  
干例禁犯者著科以監收之罪少則六日多則六月  
其有懷藏攜帶此等匕首袖槍以及一切暗器者一  
經查出著罰繳銀兩少則十六個夫浪多則二百夫  
浪並無論私造私賣以及懷藏攜帶之犯除照例科  
罪外仍將原物全行入官倘因有此暗器竟致釀成  
一切巨案者著查照案情輕重分別科罪然雖如此  
而言倘有案關姦情者卽應按照第三百三十六條  
之情或因姦男將其婦並姦夫一時忿恨以此等暗

器殺傷致命惟係目覩其姦在該男自己家中者如此罪情始可謂爲可原

第三百一十五條

凡如上條所載懷藏携帶暗器之案除將該犯照例究辦外亦能酌交巡捕廳將該犯再行嚴加約束少則二年多則五年

第三百一十六條

凡遇有因事將人陽物割去者著將該犯科以永遠縲縶苦工之罪倘被割之人在四十日以内因傷身

故者著將該犯科以死罪

第三百一十七條

凡人有於飲食藥餌以及諸物之内膽敢暗攙打胎之物設有孕婦曾經吞食無論係屬情甘與否或知與不知著將給與打胎之物之人科以監禁之罪倘孕婦自願打胎或聽從他人唆使情願打胎其事已成者著將該孕婦亦科以監禁之罪此外設有內外科醫生並賣藥之人膽敢授人以打胎之物或一切以此物予之於人者著均科限以年月縲縶苦工之

罪至無論用何毒物以及何法有意將人身體傷害雖其致害之物不至可以傷生倘因此竟致可以生病不能動履照常依舊作工者一經查出著將該有意傷人之犯科以監收之罪少則一月多則五年並令罰繳銀兩少則十六個夫浪多則五百夫浪亦能酌交巡捕廳嚴加約束少則二年多則十年若因傷抱病延至二十日以外尙不能復舊照常動履作工者著將該有意傷人之犯從重科以監禁之罪如此條所論二項罪過情形倘干此罪者非施之於尋常

之人而竟害及有關服制之尊親長輩者若如本條其始所論雖不至於傷生而乃因傷生病不能動履作工者著將該犯科以監禁之罪若知本條其繼所論因傷抱病竟延至二十日以外尙不能復舊者著將該犯科限以年月縲縶苦工之罪

第三百一十八條

凡如有人售賣飲物及食物等而其中胆敢有攙假混雜情弊竟致能以傷人者著卽科以監收之罪少則六月多則二年並科罰繳銀兩少則十六夫浪多

則五百夫浪而於此外仍將一切櫬雜之飲物食物等全行查抄入官

第三節

論治誤傷人命誤致毆傷而其致罪之情有可以原諒者有無可以原諒者並誤傷人命與誤致毆傷之案有不能科之以罪者

第一段

論無心誤傷人命與誤傷者之事

第三百一十九條

凡人於其所執之事或不十分諳練熟習或竟漫不經心或一時疎於防範未按定則寔法而為以致因事將人損傷竟至有害生命者一擬該犯所獲之罪著科以監收之罪少則三個月多至二年並令罰繳銀兩少則五十夫浪多至六百夫浪

如法國一切機器之類皆有一

定度數一至其度即應按度照法而行否則即有壞裂之虞

第三百二十條

凡人一時疎忽或其藝未精誤致將人打傷一核其情實係非出有意然亦不能不懲其疎忽之咎著將



該犯科以監收之罪少則六日多則兩個月並令罰  
繳銀兩少則十六個夫浪多則一百夫浪或酌其案  
由輕重輕則酌科一罪或僅科以監收之罪或僅科  
以罰繳銀兩之罪

第三段

論治各項罪過之案其中情由有可從寬原宥者及  
有不得稍爲寬釋者之例

第三百二十一條

凡人遇有一切凶險橫逆以及毀傷其事係由感觸

而生者均應按情有可原之事一例論之設其所遇  
者萬分逼迫又恰值狹路相逢無可逃避若不先將  
其人傷害而已於頃刻之中卽有殞命之憂不得已  
情出無奈致將人命傷斃以便自己逃出困危者一  
經事犯到官倘能廉得其情亦可法外施仁免其究  
辦

第三百二十二條

凡如上條所論之事設有人膽敢於白晝登越人家  
墻垣私入人家居室而該房主人一經看見恐其欲

行一切不法情事因而阻攔甚至互相格鬪一時誤將其人致命一經事犯到官倘能廉得其情亦可從寬免其究辦設於夜間有如此案者須詳查第三百二十九條之例照例辨理

第三百二十三條

凡有案關逆倫大惡者則無論其案係何情節均不得謂爲情有可原率行寬免

第三百二十四條

凡夫殺其婦婦弑其夫之案倘一查其情由設非十

分情出無奈者不得率行輕縱除因自護其命而於致事之時寔因逼迫以致情急殺傷人命者則始可照例擬辦然雖如此而言倘有犯姦案情按照第三百三十六條所載之情如夫將婦殺並殺其姦夫係本夫目覩其犯姦之情於其家中者則此案情始得謂爲可原

第三百二十五條

凡遇將人陽物割去之案一核其案中情節實係有關羞辱廉恥之事若不如此卽遭其危不得已而致

此者尙屬情有可原著查照誤傷其命者應行原宥之案比擬科斷

第三百二十六條

凡獲罪之犯一經承審官悉心研鞫實屬案無遁飾其一切情節委有可原之處並有切實結據若以其所獲之罪治以應得之刑似覺屈抑難伸亦可於法外施仁從寬原宥如其案應科以死罪或永遠縲紲苦工及軍罪者倘其情有可原著一併從寬科以監收之罪少則一年多則五年其餘干犯一切他項罪

案者倘其情有可原著亦從寬科以監收之罪少則六個月多則二年俟限滿開釋時惟有此二項情形者亦能酌其案由輕重交巡捕廳嚴加約束少則五年多則十年至有干犯過失之案核其情有可原卽以不應重論者著從輕科以監收之罪少則六日多則六月

第三段

論治將人打傷以及致斃人命之案而其案中情形委係情有可原不得以有罪者一律置論之事

第三百二十七條

凡有執掌刑法之責之人無論將人打傷以及傷斃人命果係俱按法度奉官而行者均不得按傷人斃命論

第三百二十八條

凡人因防危禦患或爲保護他人以冀不罹危困而其所遭之事萬分逼迫竟致如此生則彼死彼死則此生一時情出無奈不得已將人打傷甚或致斃人命者倘能廉得其情委係可原可宥卽著從寬免其

科罪

第三百二十九條

凡如上文所言萬分逼迫之事如於夤夜之時倘有人登越人家牆垣竊入人居室並挖壁鑽穴以便行諸不法之事而該房主人一經驚見或將其人驅逐打傷甚或失手致斃其命者著查照以上所載之例照例科斷至有因防禦賊盜一時情急失手致將賊盜打傷或斃命者亦惟查照以上所載之例比擬科斷

第四節

論治於風俗教化有傷者

第三百三十條

凡人於大廷廣衆之間瞻敢不顧廉恥故作各種形態實屬有傷風化一經拏獲卽將該犯科以監收之罪少則三個月多則二年並令罰繳銀兩少則十六個夫浪多則二百夫浪

第三百三十一條

凡未及十三歲之幼童弱女本屬年幼無知倘有一時愚昧被人欺騙致有失節之類無論其案已成未成查其案中情形尙無倚強逼迫威嚇等情者著將該起意致人失節之犯科以監禁之罪至同族一姓之人設有長輩無論男女敢有與晚輩竟有淫污邪穢之情而其所屬意之人尙在髫齡未至准其自理事業之時或其年已逾十三而猶未能准其自理事業者著將該行止不端有滅倫常之長輩科以監禁之罪

第三百三十二條

凡遇有案關強姦之罪者著將該犯卽科限以年月  
縲縲苦工之罪如所姦之人係十五歲以上之幼女  
著將該犯從重科限以年月縲縲苦工之罪至有倚  
強逼迫令人含垢蒙羞有意致人失節無論男女亦  
無論其案已成未成卽將該犯科以監禁之罪倘干  
此罪之犯其所屬意者係十五歲以上之人著將該  
犯科限以年月縲縲苦工之罪

第三百三十三條

凡遇有案關上文所載情形其致罪者係出於與被  
其姦污者有栽培訓誨之責之人並各掌教士各項  
僕役暨其尊長等所用之僕役而乃敢與該晚輩幼  
孩竟有淫污邪穢之情則無論其案係一人自犯之  
罪或恐事不如願因倩人串通幫助以致同人共犯  
之罪寔係大傷風化致如干犯第三百三十一條頭  
一段情形者一經訪獲卽將該犯科限以年月縲縲  
苦工之罪如此等之人設有干犯第三百三十二條  
所載強姦等事者著將該犯卽科以永遠縲縲苦工  
之罪

第三百三十四條

凡有傷風化之事有如於二十歲以上之男女倘敢調唆愚惑或代爲引領路徑或代爲幫助竟致該男女一時愚昧被其所惑因而被人污穢者一經查出著將該犯科以監收之罪少則六個月多則二年並罰繳銀兩少則五十夫浪多則五百夫浪至如有調唆等情之人係該男女之父母及一切有栽培訓誨之責之人更屬罪不容追著卽從重科以監收之罪少則二年多則五年並罰繳銀兩少則三百夫浪多

則一千夫浪

第三百三十五條

凡有干犯第三百三十四條所載案情者著卽禁止該犯經理栽培訓誨詳爲代辦及家親會議等事至如有干此罪者係關第三百三十四條首一段案情者其禁止經理栽培訓誨等事期限少則二年多則五年至有干犯此罪者係關第三百三十四條二段情形其禁止經理栽培訓誨等事期限少則十年多則二十年至爲父母者若干此罪除照例懲辦外仍

應查照民例之第一卷第九類所載爲父母者能以享用子女所有之利益卽行禁止享用並干此罪者無論係屬何情亦能將該犯交巡捕廳約束其約束之限卽照禁止之期限照數計之

第三百三十六條

凡婦女設有與人苟合通姦之事若經其本夫查出准其經官控告其餘一切他人不得妄行干預倘其本夫曾經案犯第三百三十九條所載之罪者雖其婦有與人苟合通姦之事亦不准其有控告之權

第三百三十七條

凡婦人與人苟合通姦之事一經研訊屬實著將該犯婦科以監收之罪少則三個月多則二年其於監收期限未滿之先倘其本夫情願呈請領回依舊作爲夫婦者著准其收領否則一概不准

第三百三十八條

凡遇姦情之案其案中姦夫應卽查照上條所載辦理姦婦之案科以同罪而於此外仍應科以罰繳銀兩少則一百夫浪多則一千夫浪惟須於行姦之際



當場捉獲或得其情書密約真寔字據者始准究辦

第三百三十九條

凡一切男子除其本婦之外設有私留佳麗婦女在閨闈中者殊於琴瑟有傷若經其本婦詣官控告一經研訊屬實著令該犯罰繳銀兩少則一百夫浪多則二千夫浪

第三百四十條

凡一切男女已經受室出閣設未有或鰥或寡之事而竟再娶改字者一經查出均將該犯等科限以年月繲縲苦工之罪如本處總甲官明知某人未曾亡故而竟妄行給予准婚之據者亦科以同罪

第五節

論治任意妄拿無辜以及私行押禁無辜者之例

第三百四十一條

凡未奉有官諭或違悖國家律例而竟膽敢拿獲押禁一切無辜者著將該犯科限以年月繲縲苦工之罪或有人將此等無辜之人私行假以處所以便拿獲而押禁者亦科以同罪

第三百四十二條

凡如上條所載私行押禁無辜之人竟越一月之久者一經查出著將該犯科以永遠縲紲苦工之罪

第三百四十三條

凡如第三百四十一條所載之例倘有人致干此案者能於犯罪後在十日以內尙未經官究辦之先自知畏罪愧悔將私行妄拏押禁之人全行釋放雖事前實屬肆行而事後尙知改悔著卽從輕科以監收之罪少則二年多則五年俟監收期滿亦能酌交巡

捕廳嚴加約束少則五年多則十年

第三百四十四條

凡有人或妄衣軍吏服色或假充官弁名目或矯託官場諭令藉此妄爲竟敢私行拿獲無辜押禁善良或百般威嚇如謂若不如其所欲卽行置之死地之語而欺虐此等無辜者一經訪獲寔係罪不容誅著將該犯等均科以永遠縲紲苦工之罪倘更有私用一切酷刑殘虐此等無辜之人者著將該犯等科以死罪

第六節

論治獲過與罪係於嬰孩歸原之生育合同或胆敢改易或行銷毀並偷竊子女或與子女生命有傷者及於葬殮之事致有干罪者

第一段

論治獲過與罪而於嬰孩有傷者

第三百四十五條

凡有人竟敢偷竊嬰孩或將嬰孩窩留隱藏並使之無踪日久人難尋覓或向與某人有隙於某婦生產

之際另以幼孩暗地更換使某日後可以無依或與某婦串通作弊偽爲有孕授以嬰孩以便行諸私弊似此種種喪心害理實屬大干法紀一經訪獲著將該犯等均科以監禁之罪倘該犯等事犯到官之日並未有人當場執有切據謂其所竊嬰孩或係已死而未能實指其猶生者著將該犯從輕科以監收之罪少則一月多則五年倘該偷竊嬰孩之犯其供招寔係已死之孩並出有切寔結據者著尤從輕將該犯科以監收之罪少則六日多則兩個月至有照料

撫育幼孩之責之人倘該幼孩之親屬欲行當面察看而該照料之人竟敢託故隱匿使之不得見者著將該照料之人科以監禁之罪

第三百四十六條

凡遇婦人生產之時倘有人竟敢不遵行民例第五十六條所載之事逐句逐字聲明者或雖聲明而於民例第五十八條所列之定限竟有所違者一經查出著將該犯科以監收之罪少則六日多則六個月並令罰繳銀兩少則十六個夫浪多則三百夫浪

第三百四十七條

凡人於某處所倘遇拾得遺失初生小兒須遵守民例第五十八條所載之例卽刻呈送本處應管之官以便由官收養倘不如是卽應援照上條所設之例照例究辦倘拾得初生小兒而竟有人情甘自行收養者亦須於本處總甲官先行報明然後收養卽可不按民例第五十八條之例究辦

第三百四十八條

凡如有撫養幼孩之責者或自撫養或委人代爲撫

養而乃不肯認真撫養將該幼孩送入育嬰堂者著將該犯科以監收之罪少則四十五日多則六個月並罰繳銀兩少則十六個夫浪多則五十夫浪至有人並無撫養幼孩之責恰遇拾得幼孩既經撫養而日久竟行改轍不爲者著將其人照例科罪至有人撫養幼孩係有人供其口食費用等項以便可以照料孩童而其應得之費用在給與之人日久徒托空言而該照料孩童之人無力撫養不得已始將幼童弱女送入育嬰堂者亦可從寬免其置議

第三百四十九條

凡有人將年未及七歲之幼孩弱女棄置荒寂處所者或係該犯自獲此罪或係委之於人代干此罪倘其事已成者惟應將該犯科以監收之罪少則十六日多則二年並令罰繳銀兩少則十六夫浪多則二百夫浪

第三百五十條

凡如上條所載之事倘有人干此案者無論男女或係該幼童弱女之義父義母有照料撫育之責者或

係教習有栽培訓誨該幼童弱女之責者均著科以監收之罪少則二年多則五年並令罰繳銀兩少則五十夫浪多則四百夫浪

第三百五十一條

凡第三百四十九第三百五十二條所載案情設有干此等罪案者一查其所棄置之孩童或係有傷或因傷成廢或已亡故均應將該犯按有意毆傷與有意毆殺之例一例辦理

第三百五十二條

凡有人將未及七歲之幼孩棄置於人烟叢集之處者一經訪獲著將該犯科以監收之罪少則三個月多則一年並令罰繳銀兩少則十六個夫浪多則一百夫浪

第三百五十三條

凡如上條所載案情倘有致干此罪者係該幼孩之義父或該幼孩之教習等類者更屬罪難寬縱著將該犯等從重科以監收之罪少則六個月多則二年並令罰繳銀兩少則二十五個夫浪多則二百夫浪

第二段

論治誘拐引誘年幼子女有關淫邪之事者

第三百五十四條

凡如有人或以誘騙或竟用強或竟引誘以致將該弱冠子女竊去者或其人本有照料撫養幼孩之責而乃將該應撫養之子女本宜安置於此處者而竟移於彼處或該犯自知不便下此毒手而乃轉倩他人代行其奸謀者似此實屬大千例禁一經訪獲無論事屬本人自作之罪或係代人故干此罪並將其

案中主謀之人查出均著科以監禁之罪

第三百五十五條

凡如上條所載案情倘其誘騙竊去弱冠之子女其年在十六歲以上者著將該犯科限以年月縲縶苦工之罪

第三百五十六條

凡十六歲以上之幼女倘有被人誘騙竊去之事而該幼女竟自情願跟隨逃走者一查該誘騙竊去幼女之犯年紀已及二十一歲或已逾二十一歲著將

該犯科限以年月縲縶苦工之罪倘該犯尙未及二十一歲著從輕科以監收之罪少則二年多則五年

第三百五十七條

凡如上條所載之幼女或係被人誘騙或係被人竊去而竟與誘騙竊去幼女之犯成爲夫婦者倘查照民例所載之情除經兩造之父母先將二人婚姻之據銷燬者以外其餘一切他人不得於此事妄行干預倘該兩造之父母欲行究辦此事者亦須先將該夫婦婚姻之據銷燬然後始可究辦

第三段

論事關葬殮者之例

第三百五十八條

凡如有人未奉該管官之命而乃擅將死人埋葬者著卽科以監收之罪少則六日多則二月並罰繳銀兩少則十六個夫浪多則五十夫狼而於此外如仍有他項不法之情則尤須格外罰懲至無論係有何項情形而於葬殮定限未至其期而竟埋葬者著亦照上文之例科以同罪



第三百五十九條

凡有殺害屍身與傷斃屍身倘有人膽敢窩留隱匿者一經訪獲著將該犯科以監收之罪少則六月多則二年並令罰繳銀兩少則五十夫浪多則四百夫浪倘查於此案中更有別項致罪之情須再酌其案節輕重斟酌懲辦

第三百六十條

凡有膽敢掘挖墳墓或竊取墳墓所用之祭器或於墳墓之前諸般放肆傲慢不恭者一經查出均著科

以監收之罪少則三個月多則一年並令罰繳銀兩少則十六個夫浪多則二百夫浪倘於此等案情之外更有別項致罪之情者著卽斟酌案由輕重比擬科斷

第七節

論治僞爲質證誣指有罪或有意牽引誣爲扳告或欺凌於人或於人攻發其一切機秘之事者

第一段

論治僞爲質證之例

第三百六十一條

凡有案關犯法其情甚重者而乃有人爲之避重就輕甘爲袒護竟敢僞爲質證或致被告之犯因而可以釋罪亦或因而可以增罪似此顛倒是非混淆曲直所關甚重一經查出著將該僞爲質證之犯科以監禁之罪倘僞爲質證者於被告之犯膽敢誣爲屈抑若按其所指情節可使被告所護之罪較之科以監禁之罪尤應從重者其僞爲質證之犯更屬肆行無忌一經研訊得實著將該僞爲質證之犯與本案

被告應得之罪一例科斷

第三百六十二條

凡有案關過失之情者而乃有人爲之避重就輕甘爲袒護竟敢僞爲質證或致被告之犯因而可以無過亦或因而可以增過似此是非顛倒殊不足以昭平允著將該僞爲質證之犯科以監收之罪少則二年多則五年並令罰繳銀兩少則五十夫浪多則二千夫浪如被告之犯若按僞爲質證者妄行屈抑情節須擬以監收之罪數逾五年之久者一經研訊得

實其膽敢僞爲質證有意將被告誣爲屈抑之罪與本案被告應得之罪一例同科至有案情不過係干越理者設僞爲質證之人私心偏袒或致被告之犯因而可以釋其小過亦或因而可以增其小過雖在被告應擬之罪係不應重者亦究無以昭平允著將該僞爲質證之犯科以監收之罪少則一年多則三年並令罰繳銀兩少則十六夫浪多則五百夫浪至其原案被告之犯或係犯罪或係犯過均應援照第四十二條所載之例照例能以將該被告之犯禁止經理公私事件少則五年多則十年其禁止之期限卽由該被告之犯監收期滿之日爲始計算後仍能照此年限再交巡捕廳嚴加約束

第三百六十三條

凡有干犯民律之案係小民一切爭訟之案者倘於研訊之時膽敢有人僞爲質證或誣爲屈抑或巧爲開脫實屬有意顛倒是非混淆曲直一經審訊得實著將該僞爲質證之犯科以監收之罪少則二年多則五年並令罰繳銀兩少則五十夫浪多則二千夫

浪亦能隨時酌照第四十二條之例斟酌罰懲

第三百六十四條

凡於重大案件倘有人膽敢偽爲質證而一究其情節非出本心係由徇情受賄故爲此弊者若其誣爲屈抑使被告所獲之罪較科以限年月縲縶苦工之罪尤須從重者著將該偽爲質證之犯亦宜科以同罪至有干犯民律之案係小民一切爭訟之案者倘有膽敢偽爲質證者而一究其情節非出情願係由徇情受賄故爲此弊者著將該偽爲質證之犯科以

監禁之罪至有本案係干越理之案者倘有人偽爲質證而一究其情節非出本心係由徇情受賄故爲此弊者著將該偽爲質證之犯科以監收之罪少則二年多則五年並令罰繳銀兩少則五十夫浪多則二千夫浪亦能照第三百六十二條末段所載之例斟酌罰懲並其案中所有一切之賊全行查追入官

第三百六十五條

凡有案犯第三百六十一第三百六十二第三百六十三第三百六十四諸條所載之事者設其案中人

犯有行賄委囑令人僞爲質證以便可以避重就輕一經查出無論受囑與買囑之犯均應科以同罪

第三百六十六條

凡一切案情係有關涉民律情形者而其案中作證之人乃竟於當堂發誓之時胆敢語言虛僞意存欺詐實屬滅心喪良一經研訊得實著將該犯科以監收之罪少則一年多則五年並令罰繳銀兩少則一百夫浪多則三千夫浪亦能酌照第四十二條所載之例斟酌罰懲少則五年多則十年卽以該犯監收

期滿之日爲始計算年數俟結案時再按罰懲年數之多寡交巡捕廳嚴加約束

第二段

論治誣爲扳告或欺凌於人或於人攻發其一切機秘之事者

第三百六十七第三百六十八第三百六十九第三百七十第三百七十一第三百七十二諸條均不載

第三百七十三條

凡有書寫呈詞稟函設意株連或於案中誣扳一人或誣扳多人而竟敢於執政理刑等官之前妄行呈遞者實屬異常狡猾一經查出著將該犯科以監收之罪少則一個月多則一年並令罰繳銀兩少則一百夫浪多則三千夫浪

第三百七十四第三百七十五均不載

第三百七十六條

凡有於人妄行欺辱凌虐者而查其情形尚非十分重大亦非於耳目衆多之前著將該犯姑從末減應

照干犯過失之案歸正尤廳科辦者之例比擬科斷

第三百七十七條不載

第三百七十八條

凡內外科醫生收生婆男女刑件及經管一切官私機秘應行隱諱之事者除有事係奉官應行宣露者以外其餘一切事件應隱諱者乃與局外不應與聞之人而竟敢高談闊論將其所覩所聞一一洩露所關誠非淺鮮一經查出著將該犯科以監收之罪少則一個月多則六個月並令罰繳銀兩少則一百夫

浪多則五百夫浪

按司法例內外科醫生收生婆等其所司之事局外人未能深知其有

事奉官應言者言之自係無妨其不宜言者而乃率行言之所關甚重也

### 第二章

論治所干罪過之案有礙於物產者之例

#### 第一節

論治一切竊盜之例

#### 第三百七十九條

凡一切物件若非為己所有者無論或係偷竊或係騙取均歸竊盜之案一例究辦

#### 第三百八十條

凡一切財產物件原各有主豈得妄行偷竊倘為夫者竊其婦之財產物件為婦者竊其夫之財產物件鰥者竊其故婦之財產物件寡者竊其亡夫之財產物件兒女晚輩等竊其父母尊長之財產物件父母長輩等竊其兒女晚輩之財產物件甚或切近戚屬如妻黨之類者於翁婿之財產物件互相偷竊所為究屬非分一經呈訴到官均應格外寬宥念其係一家骨肉至親從寬免其科罪其案中設有呈遞失單

者應令竊物之犯照單勒賠倘有人安置處所窩藏竊來之賊以便從中可以漁利者一經訪獲即將該犯照行竊之案一例科罪按法國風俗凡女子出閣其夫者經其夫將該資財經營生息以佐用度設其婦死而又無所出則其夫將該資財通共核算所生之息若干將原財若干歸於岳家下餘所生之息若干為已所有也若有子女者其原財若干所生之息若干即可作為兒女生產

第三百八十一條

凡辦理竊盜之案擬有五項情形倘有竊盜之犯於其竊盜之時致一案而兼五項情形者實屬罪難輕

縱著於審訊屬實後核其案無遁飾即將該犯科以永遠縲縶苦工之罪其所擬五項情形為何一於黃夜行竊二聚眾行竊三所聚之眾內有懷藏攜帶凶器者無論暗藏抑或明露四或潛毀門壁牆垣或飛簷走壁或配用鑰匙開鎖入室或偷入與人家臥室相依相連之跨所或假拌官員服色或冒充官員銜名或矯托官員諭令籍此以便偷竊騙詐五則持械威嚇情同盜劫以上五項情形倘於一案中而兼犯者即將該犯科以永遠縲縶苦工之罪



第三百八十二條

凡人於行竊盜之時膽敢用強威嚇其情實屬凶橫一經拏獲著將該犯科限以年月縲縲苦工之罪如有拒傷事主致有傷痕可驗者著將該犯科以永遠縲縲苦工之罪

第三百八十三條

凡於周行大路之中膽敢有人肆行竊盜諸物者一經拏獲查其案中情形係干犯第三百八十一條所載五項竊盜中情形已干其二項者則寔可以將該

犯科以永遠縲縲苦工之罪若僅干犯一項情形者著將該犯科限以年月縲縲苦工之罪如該犯所干竊盜之案查無干犯第三百八十一條所載之五項情形者著科以監禁之罪

第三百八十四條

凡遇竊盜之案查其案中情節有干第三百八十一條所載之第四項情節者著將該犯科限以年月縲縲苦工之罪倘其案中情節有拆毀物件以便竊盜或飛簷走壁或配用鑰匙開鎖以便竊盜或在無人

居止之別墅牧場園囿中竊盜者甚或於此等處所竟有拆毀物件以便竊盜者寔屬有干第四項情節一經拏獲則卽將該犯等科限以年月縲縲苦工之罪

第三百八十五條

凡竊盜之犯其所致罪之情倘於本條所載三項竊盜情形而竟干其二項者著將該犯科限以年月縲縲苦工之罪其本條所擬三項竊盜情形爲何一則於黃夜之間竊盜二則於一切鋪戶宅院之內肆行

竊盜或於本國准行建立各教教堂之內竊盜三則兩人仝行竊盜或多人夥同竊盜其竊盜犯中設有懷藏攜帶各種凶器或係暗藏或係顯持無論夥衆均行懷藏攜帶亦無論一人獨行懷藏攜帶一經拏獲均將該犯等科限以年月縲縲苦工之罪

第三百八十六條

凡按本條所載之例其於竊盜之案擬有四項情形其一或兩人同行竊盜或多人夥同竊盜於黃夜之時者或竊盜於居戶人家者或於本國准行建立各

教之教堂其二竊盜之犯竟有懷藏攜帶凶器者無論明持暗帶亦無論一人竊盜獨行懷藏攜帶或夥同竊盜其夥中惟有一人懷藏攜帶並無論其所竊盜係有人居住處所或僅有物件而並無人居住之處所或一人竊盜而竟敢於白晝者三如某家主人或有浮居暫住之賓客而其主家之僕役僱工人等竟敢竊盜其賓客之物件或某家主帶領僕役人等至友人之處暫寓而僕役人等竟敢於友人之物件肆行竊盜或一切匠役鋪戶夥計學徒人等於其作局

棧房中之物件竟敢竊盜者或一切工人於其常傭工之主家而竟將其主家之物件竊盜者其四凡車夫船家並店東所用之夥計人等於其轉運解送之物件以及囑令看守之物件而竟敢遂手竊盜者無論其將物件全行竊盜或僅竊盜若干一經緝獲不論該犯等所行竊盜之案係干本條何項情形均著科以監禁之罪

第三百八十七條

凡車夫船家及其所用之夥計人等於其轉運解送

並囑令看守之酒漿以及流質之物並各種貨物之類倘敢以假易真朦混攙合或於該貨物等遂手攘竊一經查出倘其攙合之假物確有傷人之處著無論其案已成或有意欲干此案而尙未成者均將該犯等科以監收之罪少則二年多則五年並令罰繳銀兩少則二十五個夫浪多則五百夫浪亦能援照第四十二條所載之例照例禁止該犯等經理公私事件少則五年多則十年後仍按照禁止期限交巡捕廳嚴加約束如該犯等所用攙合假物尙無傷人

之處著從輕將該犯等科以監收之罪少則一個月多則一年並令罰繳銀兩少則十六個夫浪多則一百夫浪

第三百八十八條

凡在田畝耕作之牲畜或供人駕乘之牲畜或耕作之牲畜於家內飼養者或耕耨稼穡之農器倘有人膽敢肆行無忌起意竊盜者無論其案已成未成一經緝獲均將該犯等科以監收之罪少則一年多則五年並罰繳銀兩少則十六夫浪多則五百夫浪其

樹林中已伐之木或石塘中已開之石或魚塘魚池中滋生飼養之魚其有致干竊盜者亦照上文科以同罪至於田畝中已刈收成之稻禾或場圃中堆積之菽穀倘有膽敢偷竊者均將該犯等科以監收之罪少則十五日多則二年並令罰繳銀兩少則十六個夫浪多則二百夫浪至此等案件其行竊係在黃夜者或聚眾夥行竊盜或以車馬運載各賊一經拏獲著從重將該犯等科以監收之罪少則一年多則五年並令罰繳銀兩少則十六個夫浪多則五百夫

浪至於稼穡未經收穫之時倘有人竟用籃筐布袋等物裝載或用車馬運載聚集多人夥同偷竊似此種種不法殊屬有碍民生如有此等竊案情形無論其案已成或有意欲行偷竊案尙未成一經訪緝研訊屬實將該犯等均科以監收之罪少則十五日多則二年並令罰繳銀兩少則十六個夫浪多則二百夫浪其有致干此罪者無論係何情形除治以本罪外仍應援照第四十二條所載之例禁止該犯等經理公私事件少則五年多則十年其禁止期限卽由

該犯監收期滿之日爲始計算俟結案時在按其禁止期限交巡捕廳嚴加約束

第三百八十九條

凡庄田隴畝四址此疆彼界原有樹立石碣以便劃清界限豈容巧爲襲取乃有不法之徒將樹立石碣竊爲挪移意存襲奪殊屬貪鄙一經訪護無論其案已成或有意欲干此罪而案尙未成若經研鞫屬實著將該犯科以監收之罪少則二年多則五年並令罰繳銀兩少則十六個夫浪多則五百夫浪仍應援

照第四十二條所載之例照例禁止該犯經理公私事件少則五年多則十年後仍應按照禁止期限交巡捕廳嚴加約束

第三百九十條

凡一宅之中無論大小房屋或現有人居住或預備有人居住並四圍各項羣房以及與此宅相連之園囿倉廚馬廐牧棚板房各等處凡屬人所居之地設有案件相關之處不論事由某房某處所出皆按照有人居住之重地比擬科斷

第三百九十一條

凡各等處所其周圍設有濠溝並或設有椿櫛或荆笆或隔壁或榆牆或棘牆或籬牆以爲四址圍堵者卽其年久失修間有缺殘損折情形並不論其牆之高卑或其門柵不封鎖時開不閉亦不論其四址圍堵用何物料建造設有案件相關之處皆援照別墅牧場園囿中致有案件者比擬科斷

第三百九十二條

凡在鄉間擇定處所四址設立圍柵可以旋置旋去

以便取携作爲游牧諸獸之所其於此處設有竊盜案情卽照別墅牧場園囿者一例置論至其圍內並設有板棚亦係活頂活壁亦所以便去留也卽作爲牧人安置之處倘有不法之徒竟於游牧之處瞻敢竊盜諸物一經拏獲卽將該犯按照一切住戶中有人居住之室擅敢入內行竊者之例一例科斷

第三百九十三條

凡謂拆毀者卽於牆垣瓦片隔板門窗鎖頭以及一切隔斷杜閉之物而竟敢於此等類挖掘撬裂者均

謂之爲拆毀

第三百九十四條

凡如拆毀物件情形有二有入於室內拆毀諸物者有未入於室在外拆毀諸物者

第三百九十五條

凡在外拆毀諸物者係在房外院內以及跨院園囿圈廡及與人居處相連之地而拆毀者

第三百九十六條

凡在內拆毀諸物者卽上條所論跨院之房屋及園

囿等處擅敢入於其內而拆毀諸物者以及拆毀封鎖箱匣奩櫃等類倘於有鎖或封固包裹之箱匣等類竟行携往他處拆毀以冀可以倖逃入內拆毀之名者一經事犯到官著按照入於室內拆毀諸物之罪一例科斷

第三百九十七條

凡有飛簷走壁或盡力攀援牆壁以便潛入院中屋內以及與一宅相連之圈廡等處倘經驗道其潛入屋院者固係登垣越壁而來其有於儲藏物件之地



審中者倘係由氣眼孔穴蛇行而入者一核其情形俱均照飛簷走壁及攀援牆壁之罪一例科斷

第三百九十八條

凡私配鑰匙開解鎖頭無論或依式仿造或就物改造甚或竟用曲鈎等類以便開解者除本鎖原匙之外一切均歸配造鑰匙起意行竊之罪照例究辦

第三百九十九條

凡瞻敢私配鑰匙者一經訪獲著將該犯科以監收之罪少則三個月多則二年並令罰繳銀兩少則二

十五個夫浪多則一百夫浪倘私配鑰匙起首行竊而干此罪者係本業成造鎖鑰之工人更屬不法一經拏獲著將該犯從重科以監收之罪少則二年多則五年並令罰繳銀兩少則五十夫浪多則五百夫浪亦能援照第四十二條所載之例於該犯監收期滿之日爲始計算時日照例禁止該犯經理公私事件少則五年多則十年俟限滿後卽按照禁止期限交巡捕廳嚴加約束倘查該犯於私配鑰匙本罪外另有別項重罪者尤須酌其案節輕重因案科罪

第四百條

凡有恃強逼索畫押書契及勒取字據合同等類似此凶惡不法情形蓋希冀藉此可以從中利己或藉此可以狡賴債累一經訪獲著將該犯科限以年月縲縶苦工之罪至有擅作威嚇肆口攻發人之陰私藉以逼索畫押勒取字據以冀詐取銀兩其一切威嚇語言無論或出諸口或出於書札一經查出著將該犯科以監收之罪少則一年多則五年並令罰繳銀兩少則五十夫浪多則三千夫浪至有因銀錢細

故將一切貨物傢具等項被人扣留折賤者倘該物主於已經被人查驗之貨物傢具等項私行挪移處所或抽減數目以圖欺賴者無論其事已行或有意欲行一經查出均著按照第四百零六條所載之例斟酌罰懲倘如此等貨物傢具既經囑令有人看守而該物主仍敢竊爲挪移巧爲抽減一經查出亦惟查照第四百零一條所載之例斟酌罰懲至有欠債之人與保債之人於其以物爲質以便借債之質物竟有騙取抽換損傷之事無論已行或有意欲行一

經訪出亦照第四百零一條之例照例究辦至有人知某物係應變價折賬之物經其原物主竊爲挪移抽減以冀可以狡賴賬目而故授以處所代爲藏匿窩留者一經查出將該犯與欠債人應得之罪一例同科至有某人之物被某人扣留俟變價作爲折賬之項者而其事中之保債人借債人暨借債人之尊長妻孥等設有夥通一氣將扣留之物竊爲挪移處所私爲抽減數目並一切種種欺騙等情者無論其事已行或有意欲行而尙未行一經事犯到官研訊

得實其案中欠債人與其尊長妻孥等均一體同罪

第四百零一條

凡一切竊盜案情而一核其情由尙不至如以上各條所載情形者無論其案已成或有意欲行案尙未成一經訪獲著將該犯科以監收之罪少則一年多則五年並令罰繳銀兩少則十六夫浪多則五百夫浪亦能援照第四十二條所載之例照例禁止該犯經理公私事件少則五年多則十年其禁止期限卽以監收期滿之日爲始計算時日後仍按照禁止期

限交巡捕廳嚴加約束

利本之終



10  
46  
206

東泉園書

四	六	一		
冊	号	架	函	屬類

# 法 國 律 例

刑  
律  
和

董  
恂  
顯  
載

